

國學基
本叢書
蜀中名勝記
下

中華民國二十六年三月初版

(96522)

國學基本叢書
蜀中名勝記二冊

每部實價

外埠酌加運費

著者

曹學

伍

發行人

王雲五

印刷所

上海河南路商務印書館

發行所

上海及各埠商務印書館

(本書校對者 楊蔭深 林仁之 徐鼎銘 董文淵 章德宣 朱廣福)

蜀中名勝記卷之十五

下川南道

敘州府 宜賓縣附郭

水經云。江水又東南過犍道縣北。若水。淹水。從西來注之。華陽國志云。犍道縣治馬湖江會。輿地廣記云。馬湖之止源曰若水。出旄牛徼外。南徑三縫。淹水注之。又東逕越巂之馬湖縣。爲馬湖水。又東北至朱提縣。與瀘水合。至犍道入大江。○夷裔考云。犍人者。其先世本華人。有罪貶遠方。以棘園之。故其字從棘。從人。漢制郡縣有蠻曰道。故曰犍道。其俗每歲六月二十四日爲星回節。競舉火把盈野。居傍城郭。與漢人無異。水經注引地理風俗記曰。犍人夷中最仁。有仁道。故字施。而秦紀所謂犍人之富也者。其邑漢高后六年城之。武帝感相如之言。使縣令南通犍道。費功無成。唐蒙南入斬之。乃鑿石開閣。以通南中。迄於建寧二千餘里。山道廣丈餘。深三四尺。其鑿之迹猶存。王莽更曰犍治也。○郡國志云。犍在施夷中最賢者。多以荔枝爲業。園植萬株。歲收百五十斛。益州記云。荔枝潭在犍道縣山頂。有一家惟生女貞樹。樹上常有白猿棲息。古謂之玉女家。志云。卽峯巖也。在宜賓西百里。山坡荔枝連袤。今多屬廖氏。黃魯直詩。廖致平家綠荔枝。卽此。○圖經云。犍道縣故址有三。漢武帝時在中方鄉。卽今西南與長寧界。及唐太宗徙於蜀江之右。二江口卽今府治。武宗會昌中。以大水復徙於蜀江北岸。卽今舊州。○輿地紀勝云。西漢犍道。

卽漢武造唐蒙鑿石以通南中者。今石門是也。本志云石門江在府西南百三十里。俗呼橫江。又名小江。唐書韋皋傳石門卽隋史萬歲南征之道。古有詩云石城門峻誰開闢。更鼓誤聞風落石。界天白嶺勝金湯。鎮壓西南天半壁。按本傳萬歲入南中見諸葛亮碑銘曰萬歲後勝我者過此。○方輿勝覽云蘭山在夔道縣界。圖經云蘭生於深林石門尤多有春蘭秋蘭崇蘭鳳尾蘭竹蘭石蘭諸名。春蘭花生於葉之下。崇蘭花生於葉之上。黃魯直幽芳亭記一幹兩三花而香有餘者蘭一幹十數花而香不足者蕙。○水經註云夔道縣有蜀王兵欄其神作大難江中岸峻阻險不可穿鑿。李冰乃積薪燒之故其處懸崖猶有赤白元黃五色照水魚從楚來至此而止言畏岸嶼不更上也。本志云西北二十里朝陽崖是。○華陽國志有孝子隗通爲母汲江裔水天爲出平石於江中。今石在馬湖江口。○益部耆舊傳曰張員妻黃氏女也名昂員乘船沒求屍不得昂至沒處灘頭仰天而歎遂自沉淵積十四日昂持員手於灘下出時人爲之語曰符有先絡夔有張昂者也。○寰宇記曰夔道縣有貞婦石在縣七里舊州岸古老相傳昔有貞婦夫沒無子事姑甚孝姑抑使嫁竟不從終姑之世身沒所居室有一大石湧出後人號爲貞婦石。○黃魯直跋王荆公書云熙寧中金陵丹陽之間有盜發冢得隱心輒於冢中識者買得之讀其書蓋山中宰相陶隱居墓也其文尤高妙王荆公常誦之因書於天慶觀齋房壁間黃冠遂以入石予常欲摹刻於夔道有李祥者聞之欣然礪石來請斯文旣高妙而王荆公書法奇古似晉宋間人筆墨此固多聞廣見者之所欲得也李君字聖祺夔道人喜炎黃岐雷之書嗜好酸鹹與世殊絕嘗從軍得守國子四門助教歸而

杜門家有山水奇觀。教諸子讀書。而宴居自如。從其所好。不喜俗人。一再見輒罵絕之。此孟子所謂有所不爲者也。○朱提漢舊縣。屬犍爲郡。東漢屬犍爲郡。尉蘇林云。提音時。晉太康地志云。章武元年。先主以犍爲屬國爲朱提郡。鄧方爲都尉。先主因易名太守。領漢陽等五縣。朱提縣治有千秋池。今府西南六十里有朱提山。山下有大池。曰瑞蓮池。是又有朱提村。今卽立郡處也。諸葛武侯云。漢嘉金。朱提銀。采之不足以自食。古志云。朱提西猶有鳩鵲。以南則無矣。○志云。瑞蓮池在府西南六十里馬湖江側。故老傳云。江有石生魚常游聚。漁者甚利之一日獲巨鯉。衆分食之。翌日又至。俄見江中有三石室。各長丈許。廣七尺。人咸異之。顧見對岸石亦有三穴。如鑿去者。其長短與此無異。而向之食魚者所居皆陷沒爲地矣。巨鯉蓋龍子也。池有無種蓮。或開十數歲一花。花開則國家有大吉事。舊志。朱提縣有千秋池。疑卽此。今在朱提山麓。按華陽國志云。崩江多魚。此之謂矣。○寰宇記云。開邊縣在州西南六十里。亦犍道地。隋開皇六年於此置縣。以開拓邊疆爲名。在馬湖。朱提兩江口大黎山小黎山在此縣界。四時霖霖不絕。俗以爲大漏天。小漏天。其諸山自嘉州以來。每峯相接。高低隱伏。奔走三峽。石狀難名。本志卽今之開邊鄉也。○寰宇記又云。宜賓縣本漢南安縣地。屬犍爲郡。蜀諸葛亮南征於此。置郾郾戍。後改爲郾郾縣。唐開元十七年爲義賓縣。後移於狼川。卽今理也。宋朝開寶九年改爲宜賓縣。○通志云。宜化縣在宜賓縣境。本唐之義賓。宋之宣化。今省入者。舊址在當縣之宣化鄉。○水經注云。存水出犍爲郾郾縣。王莽之孱郾也。夷率雍閭繫馬於柳。而柳成林。故曰存馬。本志云。縣西北百六十里爲郾郾灘。○蜀志補遺云。可無山古宜。

賓縣也。今訛名可盧。○方輿勝覽云：夷牢山在宣化縣南。夷人祭社於此。飲酒歡樂。夷語以牢爲樂故也。二蘇有過宜賓見夷牢亂山詩。輿地紀勝云：宣化縣南山叢秀中一峯突出爲菩薩頂。故老嘗見聖燈。碑目云：宣化上流三十里。吳季成所卜築。在山之阿。有山谷老人所書盤谷序。度州學記碑刻。本志云：復魚池在府西北百七十里。故宣化縣東。宋皇祐間。白雲先生張翥爲記。○寰宇記云：梁武帝使先鐵計定夷獠。乃立戎州。以鐵爲刺史。方輿云：宋紹聖四年。戎倖蘇時上書曰：今車書同聲教一。而州名戎。是夷其名也。請易之。遂改名敘州矣。○唐劉兼秋夕書懷呈戎州郎中詩：素律初迴枕簟涼。松風飄泊入華堂。談雞寂默紗牕靜。夢蝶蕭條玉漏長。歸去水雲多阻隔。別來情緒足悲傷。霜砧月笛休相引。只有離襟淚兩行。○碑目：唐都督大破賊碑。在州南百里。今亦殘缺。又云：唐古戎道記在州治之對天蒼山崖壁間。筆畫勁正。乃乾封二年。詹君秀修復此道。爲之記并書。又云：定謗湖碑在戎州城外。有唐人所立。碑曰：山蒼蒼兮煙際橫。波渺渺兮湖水平。其餘漫滅不可考。○古跡考云：縣有張儀同城。古老相傳以爲張儀同祠也。不知何義。魏鶴山集有楚道諸葛武侯碑。又有答馮敘州邦佐謝武侯廟碑啓。本志云：府城南姜維屯一峯突起。高千仞。其頂平。相傳姜伯約於此駐軍。○勝覽云：敘州有東州道院。在州治內。碑曰云：治東墨妙亭。貯黃庭堅筆跡。○杜甫宴戎州楊使君東樓詩：勝絕驚身老。情忘發興奇。坐從歌妓密。樂任主人爲。重碧拈春酒。輕紅擘荔枝。樓高欲愁思。橫笛未休吹。劉兼重陽感懷詩：重陽不忍上高樓。寒菊年年照暮秋。萬疊故山雲繚隔。兩行香淚血和流。黃茅莽莽迎邊郡。紅葉紛紛落釣舟。歸計未成年漸老。茱萸羞戴雪。

雷頭。○勝覽云。東一里花臺寺。卽今壽昌寺也。東殿石壁。露立大像。其地內外石間。鑄有萬佛。卽刺史張九宗撰記處。○又云。東山在州城東門外。有報恩寺塔。高二百尺。南望七星山。七峯團秀。狀若連珠。卽南山也。○方輿記云。西樓在州治。陸務觀詩。畫船衝雨入戎州。縹緲山橫杜若州。須信時平邊堠靜。傳烽夜夜到西樓。○碑曰云。章南康紀功碑。在江西舊州治岸。慨元和五年。刺史張九宗立。碑陰載南康謝表。大半磨滅。又云。唐黎幹墓表。在州西岸石馬溪之上。今石馬尙存。○本志云。馬鳴溪在府西十九里。俗稱龍馬溪。源出慶符之西。會馬湖水。達於蜀江。昔士人鄭氏牧馬於溪上。產龍駒。四蹄利爪。朱鬃頰尾。高可七尺。州聞之。將以貢行在。所載至溪口。攘鬣長鳴。躍於江溪。因以名。○寰宇云。滇池在州西二十里。一名天池。一名波淩池。其池長五十里。闊七里。風吹一動。波浪淩山。中有菱荷。按秦惠王破滇池。始通五尺道者。卽此也。志云。滇池與天池相連。大者廣一里。長五里。小者廣一里。長三里。其中有石橫。乃南北如橋梁狀。往來山之。唐韋皋天池晚棹詩。雨霽池塘生意足。花間誰詠採蓮曲。舟浮十里菱荷香。歌發一聲山水綠。春煖魚拋水面綸。晚晴鷺立波心玉。扣船歸載月黃昏。直至更深不假燭。宋牟孔錫詩。天池十里如鹽湖。荷花可折魚可鱸。○本志云。縣西五十里水濱。昔有浮舟者。見空中飄然降一道人。止於峯頂。土人呼其處爲師來山。後訛爲書樓山。○勝覽云。無等院在州南門外。魯直以元符間寓居作稿木寮。死灰庵。今猶存。其寺額亦魯直筆蹟。陸務觀詩。文章何罪觸雷霆。風雨南溪自醉醒。八十年間遺老盡。壞堂無壁草青青。○李嘉謀記。紹聖初。章蔡用事。山谷以前吏官得罪。安置黔州。二年移戎州。方公之遷。以涪州別駕。因

自號爲涪翁。放浪山水間。初不知有遷謫困窮之意。城南有溪。公遊而樂之。命曰涪溪。其後溪山悉以是名。○本志云。舊戎州南門外里許金魚井。山谷品其水爲第一。○寰宇記云。鎮江在城北兩岸。大石屹立。因置鐵紐橫截其處。控扼夷羌。黃魯直鎮江亭酌酒詩。西來雪浪如魚烹。兩岸一草乃可橫。酒盃未覺浮。蟻滑茶鼎已作蒼蠅鳴。又云。山繞樓臺鐘鼓晚。江觸石磯礧杵鳴。鎮江主人能致酒。願渠久住莫終更。又云。鎮江亭上一樽酒。山自白雲江自橫。李侯短褐有長處。不與俗物同條生。蓋同李任道也。又安樂泉。頌云。鎮江安樂泉。爲壅道第一。姚君玉取以釀酒。甚清而可口。食之令人安樂。故予兼二義名之曰安樂泉。并爲作頌。姚子雪麴。杯色爭玉。得湯郁郁。白雲生谷。清而不薄。厚而不濁。甘而不噉。辛而不齏。老夫手風。須此晨藥。眼花作頌。顛倒淡墨。○本志云。北二里鬱姑臺。相傳宋楊仙遇鬱姑於此。○又云。蘇溪在府北二里。以蘇子瞻常遊於此。故名。○輿地紀勝云。自州治泝流十里。有前後潭。瀑布自懸崖千尺而下。本志又云。水簾洞在府北十五里。瀑布瀉出兩峯間。垂數十丈。如珠簾狀。其側有亭。黃山谷扁曰奇觀。何師心滿江紅詞。一水飛空。揭起珠簾全幅。不須人捲。不須人軸。一點不容飛燕入。些兒未許遊魚宿。向山頭欵步聽疎音。清如玉。三峽水。堪人掬。三級浪。堪龍浴。更兩邊瀟灑。數竿脩竹。晚倩碧煙爲純綠。夜憑新月爲鉤曲。問當年。題品是何人。黃山谷。○又云。北百二十里真溪。源出於徧山。舊有姓真者居之。今爲真溪驛。又云。北百七十湼溪。有阿湼者居其傍。故名。今之月波驛是。余以壬子暮秋宿此驛。書懷作云。月波來夜宿。月色似波明。遇景一相湊。觀空聊復情。寒蟬吟似懶。水鳥去何輕。借問渝州路。還家近幾程。蓋亦情

見乎詞矣。

南溪縣

漢地里志武帝太初元年置南廣縣。隸犍爲郡。蜀志後主延熙中立爲郡。以常竺爲太守。元和郡國志晉分朱提郡置南廣郡。齊郡廢。後周於此置南武。隋改龍源。又改爲南溪縣。在犍道之南。○水經注云。自犍道至朱提。有水步道。有黑水。羊官水。三津。俱險極難行。故行人語曰。檣溪赤木。盤蛇七曲。盤羊鳥橈。氣與天通。禹貢華陽黑水惟梁州。註云。出南寧州南廣縣汾關山。北至犍道縣入江。一名阜水矣。○郡國志。犍爲郡故城在青衣江七里。舊經云。青衣江在南溪縣南十五里。古有青衣國。與敘州相隣。其人因賈至蜀。見漢衣冠。遂求內屬。因以名焉。其地名龍騰溪。卽隋之龍源。今之龍騰驛是也。○按青衣。蜀中見者凡三。其一在漢嘉者。卽大渡河所經。漢書公孫述僭據青衣。人不賓是也。其一在青神者。以蠶叢衣青。而教民農事。人皆神之是也。其一在當縣。以古有青衣國。慕義來賓云。○志云。龍騰山半有洞。深四丈。李八百所鑿。額鐫曰李公洞。八分體。字畫遒勁可觀。洞前有折梅亭。宋楊萬里詩。李真宅子故依然。道院西偏古洞前。一日身遊八百里。三番花落九千年。○龍騰山下有岑參別業。參從明皇幸蜀。尋守嘉州。置業於此。國朝成化中掘得斷碑。有南溪別三字。傍題嘉州主人岑參六字。其集中詩曰。結屋依青嶂。開軒對翠嶂。樹成花兩色。溪合水重流。竹徑春來掃。蘭樽夜不收。逍遙自得意。鼓腹醉中遊。○志云。溪北有橋曰黃渡。魯直每遊龍騰山。必經此橋。故名。唐韋莊詩。大江西面小溪斜。人竹穿松似若耶。兩岸嚴風吹玉樹。

一潭明月照銀砂。因尋野渡逢漁舍。更泊前灣上酒家。去去不知歸路遠。棹聲烟裏獨嘔啞。蘇軾南溪對雪詩。南溪得雪真無價。走馬來看次未消。獨自披榛尋履跡。最先犯曉過朱橋。誰憐破屋眠無處。坐覺村居語不卽。惟有暮鴉知客意。驚飛千片落寒條。皆此橋中景物。○寰宇記云。馬湖江從州西南流出。東郭與蜀江合。諸葛武侯五月渡瀘。則此水之上流也。○郡國志云。乞子石在馬湖南岸。東石腹中流出小石。西石腹中懷之。焚人乞子於此有驗。因號乞子石。寰宇云。乞子有二石。夾青衣江。樹對立如夫婦。古老相傳。東石從西。乞子將歸。○魚鼈津。按郡國志云。南溪縣西三十里有津。津南有鴛鴦圻是也。鴛鴦圻者。以烈婦黃帛得名。詳見焚道。今縣有帛廟。子在飛霞閣西阜上。阜有飛霞井。嘗有赤鱖自井中貫目。觀者如堵。因建飛霞閣焉。○祠廟記云。南溪琴山有忠利廟。祀漢牂柯太守陳立。廟中有制祠古碑。張鼎修所記。負山濱江。地勢險阻。○志云。治西彈琴臺。唐楊發彈琴於此。瘞琴其下。父老言。每夜靜。人或時聞琴音。發亦家於此。有南溪書院詩云。茅屋住來久。山深不置門。草生垂井口。花落擁籬根。入院將鸛鳥。舉羅抱子猿。曾逢異人說。風景似桃源。○志又云。隔江琴山橫洲渚間。俗云。無徽則琴不鳴。元時熊萬戶者。乃聚土爲徽。依巖閣鐫刻羅漢諸像。以成其勢。○輿地紀勝云。東南逾江七里有隱山。唐李涉詩。如雲不厭蒼梧遠。似雁逢春又北飛。惟有隱山溪上月。年年相望兩依依。又云。銅鼓灘在縣東十里大江之右。波浪極險。縣治坐乾。此水出辰爲不利。近歲灘之上流生石。積高十數丈。蔽壅下流。水從巽出。自是文物稍振。寰宇記云。西南十五里平蓋山。山有九隴。惟此特出衆山之上。頂圓似蓋。一名瑪瑙山。漢真人劉景鶴隱此。至

魏武時始跨鶴仙去。有石洞深邃不測。中有小穴。圓如蓋。有水出焉。山上有木生葉。其紋如篆。謂之符葉也。○志云。西七十五里桂輪山。昔涪翁書大桂輪山四字於其岸壁。是山惟中秋見月。故名。有桂輪山寺。

長寧縣

圖經。西徑馬湖。南控烏蠻。東介安溪。北接綿水。趙招討平夷表云。左連阿水。右連石門也。○碑目云。長寧志。嘉定己卯教授賀寅東亭。又云。祥符平夷本末。慶歷皇祐平夷略。元豐平乞弟本末。嘉祐三年給長寧頭首斗蓋充土刺史誥。熙寧七年范中書百祿誓夷文。皆有可考。○十道志云。長寧清井監。供輸紫竹。本志云。縣西北七十里古賢鄉。宋時鑄崖曰紫竹山是也。方輿引舊郡志。今夷衆開箐路。芟去箐竹。惟冬蒟醬可以入藥。○寰宇記。寶屏山軍治之主山也。與械山諸峯相對。登雲亭在寶屏山上。每歲九日登高於此。○紀勝云。牛心山在軍治。山形峯嶺如牛心。然硯石溪在牛心山後岸。石如磐。可以爲硯。○東溪發源白崖山與嘉魚泉合。嘉魚泉者。去城一里。馬鞍山之趾。泉激石湧出。小魚四時如一。不增不長。故以名之。邦人釀酒。必用山後秫及嘉魚泉。則味甘冽。王章嘉魚泉記。兵廚之酒。冠於東州矣。上有臨流閣。流杯池。諸勝。○志云。南一里金龜山。四面平曠。中突一阜如龜狀。又名松子山。輿地紀勝。以其上有波淪殿。舊志邑人於四月八日取嘉魚泉浴佛。故曰波淪也。○勝覽云。介湖在郡治西城下。中植荷芰。有西溪。發源越王山。與桃源溪合。此溪相傳有耕者得一銅版。鐫曰小桃源。其陰有詩云。綽約去朝眞。仙源萬木春。要知竊桃客。定是滑稽人。其水發源筆架山。其軍城冷水溪上。嘉定己巳太守張公市民田。種植桃李。創置亭。

榭橋曰仙津洞曰桃源亭曰蒸霞堂曰詒然。○通志云萬松嶺在長寧縣西。宋趙使君詩清溪狹逕小橋東。春日桃花處處同。我爲日長無一事。偶然來此聽松風。○紀勝云小離堆在城北岸溪上。崇德廟前溪中有怪石似離堆之象。因作亭於此。榜曰小離堆。○燕崖去軍北三里許。在棲真洞路旁。石峯巖巖森列者數百。虞易簡有記。○本志東西二溪至清井合流。名清溪。至武寧砦爲武寧溪。至安寧砦爲安寧溪。○碑曰載王蜀武成三年牒清井鎮羈縻十州五團土都虞候羅元密。又牒清井鎮羈縻清井土刺史羅元楚。文俱在本監。○歸田錄載蘇子瞻嘗得清井監夷人所賣蠻弓衣。其紋織成梅聖俞春雪詩。蓋當時名重傳落夷狄故也。○本志云東十五里武寧溪上有巨石橫截中流。虞允文鑿之以通舟楫。石上大鐫虞公峽三字。溪左涇灘有瀑布自山頂飛流而下。數十丈爲深潭。○輿地記云越王墓在寧遠巖高廣各數丈。以花磚砌。有合抱古柏。故老傳爲越王墓。或云唐太宗子越王貞爲綿州刺史。卒葬此。○志云治東九里有凌家崖。有水流寺。遠眺敍瀘之景。大江如帶矣。

富順縣

華陽國志云江陽富義有鹽井。郡國志劍南鹽井。惟此最大。舊日爲額八百餘斤。今日額千五百餘斤。楊光清操堂記云三榮富順產鹽。其地號爲貪泉。韓子華詩土瘠事力耕。家無終歲蓄。所資鹽井利。持易他州粟。方輿云宋太宗朝置監。有榕齋在監治。以榕木名也。○水經注綿水。綿水與洛水會。逕牛鞞。資中又東逕江陽縣方山下入江。按此水至富順神龜山下。榮紆向西而云。謂之洛源。以源出洛通江也。後周於

此置洛源縣矣。謂之金川。以綿、洛、湔三水會於金堂峽也。秦時於此設金川祠。亦謂之釜川。則以其盤繞縣治。有若釜形然。○寰宇記云。鷄足山。同心山。俱在城東。隔水三五里。教授錢士開記。翠巘絡繹。張其前。大江繚繞。環其下也。○輿地紀勝云。神龜山下有湖。嘗見大龜出。小龜從之。不可勝數。山背有讀易洞。里人李睨讀易其中。○李昌金川驛記。南距戎瀘。北走普資。舊制等於諸縣。嘉祐以新例擬於列藩。本志云。金川神廟在縣西二百餘步。有十像。莫知姓氏。相傳秦惠王時。擒鰲治水有功。卽此神也。○勝覽云。凌雲山在監西。與養秀山相接。大江前橫。一峯突兀。瑪瑙山亦與凌雲相接。西北諸山。惟此最高。○又云。西湖在監之西。相傳有此監。卽有此湖。皇祐間。周侯延雋記。仍有亭榭。輿地紀勝云。西湖周迴三里。有洞窈邃。昔有人洞者。見二女櫛髮於寶間。遺以石鏡。其人致富百倍。碑曰。西湖洞前崖上。鑄觀音大士像。天禧元年。刻石記云。六月甘露降像前。明日又降。紹聖元年。又降。瑩潔如珠。程驤宮順西湖詩云。春風楊柳曉藏鶉。秋水芙蓉晚著花。細數一年湖上景。天涯行客忽思家。○志云。西五里中江之右。有峯峭拔數丈。如佛像。傍有二石如侍者對立。因鑄成之。藤蘿遶身。而不上其面。輿地紀勝謂之聖佛。有磨崖碑。皇祐七年。知監張齊古題云。西山城郭沿灘數里。羣峯重疊。一佛獨立。容相端正。真如塑出。高聳數丈。古代留跡。後倚林翠。前瞰江碧。○西疇在縣西南七里。輿地紀勝云。山城南絕江而上。西行六七里。廣六十畝。萬松森列。嘉樹離立。爲李氏西疇。晁公武記云。有亭臺齋館。泉石花木。盤據一山之上。○方輿云。聖燈山在監西五里。碑曰云。山址有董孝子墓。表云。漢益州刺史廣平郡侯董孝子。○紀勝云。中崖山在西北二里。山勢盤

薄林木葱茂。有叢林氣象。有霧隱堂。資中趙丞相沂公謁中崖大士。或以夢告。明年舉於鄉。公爲文記之。後人爲建斯堂。碑曰。中崖普覺院。天禧丁丑。賜名康定二年。翰林學士李淑撰。碑志云。中崖以北。崖山居左。瑪瑙山居右。此居其中。故名。唐咸通中。依崖鑿大悲佛像。宋初。僧自悟架屋三百楹。天聖丁丑。賜名普覺院。藏兩朝宸翰。後林靈素毀佛法。欲壞其像。圍繞鑿之。不損。乃以泥覆之。罷禁。將水洗去。依然如新。岑象求中崖詩。瀟灑監城隈。聊驅俗駕回。世席飛不到。山色翠成堆。太常博士周延雋詩。茲辰始休沐。夙駕出公府。往造釋子居。嶽崎僅容戶。雲林信樂航。安問非吾土。衆香纔發春。微雲忽蔽午。敲石煎佳茗。忘置舉芳杜。徘徊仍少留。婦泛凌前浦。卻顧衣上塵。猶當山際雨。○志又云。北崖在縣北二里。隋大歷中建資國寺。有彌陀崖。足容數百人。有五百羅漢洞。有水簾。並元祐八年李元淵記。

慶符縣

漢置。屬犍爲郡。蜀先主置朱提郡。以縣屬焉。華陽國志云。有漢水入延江。本志云。漢陽山在縣北八十里。漢武通西南夷。自此山之南皆漢地。故云。諸葛武侯征蠻過此。今崖壁上鑄武侯征蠻故道六字。猶存。縣有順應廟。乃祀馬謖者。我明永樂中。尙書宋禮奏。神有陰助運木之功。賜萬貫。葺其廟。命有司每歲三月二日致祭也。○碑曰。晉張麟夫人墓表。在慶符縣南百六十里。又云。大唐南詔王碑在石門界。貞元七年。袁滋題云。此石門卽隋史萬歲南征之道。○志云。祥州故址在縣西一里。初本南廣地。宋改名祥州。置慶符。來附二縣。而南廣爲鎮。宣和中。省州止存慶符縣。黃山谷所書戒石銘尙存。今來附縣爲來復鋪矣。

筠連縣

漢定川縣。唐之筠連州也。其地南通芒部。西控烏蒙。四山皆竹。一色相連。因謂之筠連矣。志云。舊州黃牛山距縣南三十里。高山石壁。作人作驅牛狀。因呼爲黃牛山也。又云。縣西南孔雀溪。有孔雀巡檢司土舍主之。

高縣

志云。唐高州故址。在縣南百二十里。正州鄉。縣有宋水。勢如之。元有騰山。常孕霧雨。俱在西南五十里外。珙縣

唐羈靡薩、鞏二州也。薩州今之下羅計。鞏州今之羅星渡矣。志云。治南北五十步。卽珙溪也。多石似玉。民以筒引車入田中。得灌溉之利。又云。落哨山有生成石鼓二。石鼓墀下有仙洞。石乳凝聚。如人如獸。千態萬狀。至洞頂。黑質白章。如雲如篆。又云。縣北四十里芙蓉山。有九十九峯。其南三峯突起。謂之小芙蓉。

興文縣

戎州故址。在甯遠坊之西。唐晏州羅陽郡領思峨、犸陰、新賓、扶來、思晏、多岡、羅陽、七縣。今皆屬夷。南五里有南壽山。宋時夷酋卜漏據山爲砦。一豆一蠻。數有五斗。故名五斗夷。又十五里有丹霞箐。旦暮霞彩浮於木杪也。

隆昌縣

隆昌新設之地。古跡無聞。予問諸劉給事。有金鵝洞焉。溪水東來。遶城西折里許。孤山柱立。水環其趾。下爲懸崖。壁立千尺。飛流下墜。當時如匹練。如散珠。及至溪水暴漲。倒立懸壺。雷聲衝激。聞數十里。細霧麴塵。飛洒千步。亦奇觀也。峭壁中有洞。方廣丈許。人跡難至。疑鬼工所鑿。名曰金鵝。不知所本。俗傳有藏金鵝其中。或以銅鵝換之。故又名換鵝洞。其編戶亦有換鵝里。

馬湖府屏山縣附郭

龍湖去郡三百里許。四圍皆峻。崖長二十里。廣七里。中有堆如螺髻。去大江二里。有水與江同消長。日夕作潮。相傳有龍馬見於此。○四夷考云。馬湖江發源西蕃。流至打冲河。入會川衛。與安甯河合。經雲南與浪滄河合。至武定與金沙江合。經東川烏蒙。始達於蠻夷司界。經府前流出。與敘州江合。○志云。馬湖鎮舊城。唐乾符中高駢聖按馬湖所轄地。漢之鹽縣。平夷縣。唐之瀉浪州。沐川寨也。漢書。鹽有不狼山。鹽水所出。隋志。平夷縣有洮津。宋史。寇賊祥符中爲轉運使。多剛夷斗望叛。賊集瀉浪。刺史簡松李紹等平之。○志云。平夷東百二十里有書樓山。編戶爲書樓鄉。又云。府西三百八十里。雷番山。隋史。萬歲征西南夷。過此。書雷番山三字。鐫於石壁。山中有毒經過。牲畜必籠其口。行人必緘默。若或吐聲。雖冬月必起雷霆。○碑曰。沐川古碑。唐垂拱三年。玉津令馬元慶等破馬湖夷紀功者。張無盡。沐川寨記略云。南蠻東北接境。常挾吐蕃以爲中國患。蓋其路一出大渡河。一出沐川源。一出馬湖江。其狹邪之徑。曰榮涇。曰八面箐。曰黑水。曰中鎮。曰賴因。曰龍水。曰陰川。而沐川之路。常爲嘯集之地也。

蜀中名勝記卷之十六

瀘州

漢江陽縣。蜀志曰：魏武屯漢中，諸葛亮出屯江陽是也。水經曰：江水又東過江陽南，洛水東南注之，酈道元注曰：江陽縣枕帶雙流，據江洛會也。漢景帝六年封趙相蘇嘉爲侯國。○洛水與綿水合，至州西方山下，謂之綿水口。通志云：廢綿水縣在綿水溪口，汶江水中洲上。梁置縣，宋省入江安矣。○洛水逕資中謂之中江，又謂之支江。支江水從富義縣鴛鴦池屈曲方至城，與汶水合流，又有赤水源從昌州昌元縣界流入，去合支江。○有合江在州治東，蜀江與之溪合流處，之溪源出仁懷縣，其形曲折如之字。○有悅江在州治東北，源出戎縣潛武箐，經悅州，因名。○有思晏江在州治西四里，源出古思晏縣。○有宋江在州治東百步，源出大壩兒北洞，經宋州故名。任汲記云：淙流東北貫其隅矣。○李壘西山堂記云：郡得名爲瀘者，蓋始因梁大同中營徙治馬湖口，置瀘州，蓋馬湖卽瀘水下流，因遠取瀘水以名州也。志云：宋制置使余玠遷州治於神臂山，則在百里外，號鐵瀘城矣。○勾公權瀘川縣廨記云：江陽氣候偏陽，夏秋多炎燠，冬無苦寒，每夏秋蒸溽，如傍挹火爐鞮。○孫義叟修城記：瀘控西南諸夷，遠逮蠻蠻，最爲邊隅重地，元豐以來用武臣，其後始更置儒守，錢若水以右贊善拜茲官，宋太祖召見於武德殿，謂之曰：瀘川最近蠻獠，尤宜緩撫，蓋重之矣。○方輿勝覽云：整暇堂、雅歌堂，俱宋時建，在郡圃之內，四香亭在州治，淳熙中郡